

ხელშეკრულება N ____

(სახელმწიფო შესყიდვების ხელშეკრულება)

(N/A_____)

სოფ. წინამძღვრიანთკარი

2019 წელი

ერთის მხრივ სსიპ „ილია წინამძღვრიშვილის სახლობის საზოგადოებრივი კოლეჯი“ (შემდგომში „შემსყიდველი“) , წარმოდგენილი მისი დირექტორის სახით და მერეს მხრივ _____ (შემდგომში „მიმწოდებელი“) თანხმდებიან შემდეგზე: შემსყიდველმა 2019 წლის საკუთარი სახსრების ფარგლებში 2019 წლის გამოაცხადა N _____ ელექტრონული ტენდერი – დანადგარები მექანიკური ენერგიის წარმოებისა და გამოყენებისთვის შესყიდვასთან დაკავშირებით. შესყიდვაზე კლასიფიკაციის (CPV) კოდები: _____) და მიიღო მიმწოდებლისგან სატენდერო წინადადება სამუშაოს შესრულებაზე.

მუხლი 1. წინამდებარე ხელშეკრულება ადასტურებს შემდეგს:

- 1.1 ორივე მხარის წარმომადგენელი სრულად გაეცნო ხელშეკრულებას და ეთანხმება ხელშეკრულებით განსაზღვრულ ყველა პირობას;
- 1.2 ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოდგენენ მის განუყოფელ ნაწილს;
 - ა) ხელშეკრულების პირობები (1-14 მუხლები);
 - ბ) ხელშეკრულების დანართები (1-n);
 - გ) დამტკიცებული პროექტი/ები წარმოდგენს ამ ხელშეკრულების დანართს;
 - დ) მიმწოდებლის მიერ წარმოდგენილი სატენდერო წინადადება (წარმოდგენს ამ ხელშეკრულების დანართს);
 - ე) ხარჯთაღრიცხვა (წარმოდგენს ამ ხელშეკრულების დანართს);
- 1.3 მიმწოდებელი თანხმდება შეუსრულოს სსიპ-ილია წინამძღვრიშვილის სახლობის საზოგადოებრივი კოლეჯის დაბა თიანეთის დამატებით სასწავლო ფართში (N/A_____) ტენდერით გათვალისწინებული სამუშაოები, ამ ხელშეკრულების პირობების შესაბამისად.
- 1.4 მიმწოდებელი ადასტურებს, რომ არსებითად განიხილა საპროექტო-სახარჯთაღრიცხვო დოკუმენტაცია და შესაძლებლად მიიჩნევს სამუშაოების შესრულებას პროექტით განსაზღვრული პირობებისა და ვადების დაცვით;
- 1.5 მიმწოდებელი იღებს ვალდებულებას, დაუყონებლივ, წერილობითი ფორმით აცნობოს შემსყიდველს საპროექტო-სახარჯთაღრიცხვო დოკუმენტაციის განხილვისას გამოვლენილი ხარვეზის/ების შესახებ, რომლებმაც შეიძლება გამოიწვიოს სამუშაოთა შეფერხება ან ხელი შეუშალოს პროექტით განსაზღვრულ მიზნების მიღწევას;
- 1.6 შემსყიდველი იღებს ვალდებულებას მოახდინოს ანგარიშწორება მიმწოდებელთან ხელშეკრულებით გათვალისწინებული ვადებისა და ფორმის დაცვით;
- 1.7 ყოველივე ზემოთქმულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს;
- 1.8 მიმწოდებელი ვალდებულია ხელშეკრულებით გათვალისწინებული არქიტექტურული და მასთან დაკავშირებული მომსახურებებთან დაკავშირებული სამუშაოების დასრულება, ხარჯთაღრიცხვის კორექტირება უზრუნველყოს ხელშეკრულების ძალაში შესვლიდან _____ კალდენდარული დღის ვადაში.
- 1.9 წინამდებარე ხელშეკრულებით გათვალისწინებული სამუშაოების შესრულების ადგილია ქ. მცხეთა, სოფ. წინამძღვრიანთკარი.
- 1.10 წინამდებარე ხელშეკრულება ძალაშია 2019 წლის _____ დან 2019 წლის _____ ჩათვლით.

მუხლი 2. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

ხელშეკრულების - პროექტი

- 2.1 „ხელშეკრულება სახელმწიფო შესყიდვების შესახებ“ (შემდგომში „ხელშეკრულება“) - შემსყიდველ ორგანიზაციასა და ტენდერში გამარჯვებულ პრეტენდენტს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებით და ასევე, მთელი დოკუმენტაციით, რომელზეც ხელშეკრულებაში არის მინიშნებები;
- 2.2 „ხელშეკრულების ღირებულება“- ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნითი შესრულებისთვის;
- 2.3 „შემსყიდველი ორგანიზაცია“ (შემდგომში „შემსყიდველი“) - ნიშნავს ორგანიზაციას (დაწესებულებას), რომელიც ახორციელებს შესყიდვას;
- 2.4 „მიმწოდებელი“ -ნიშნავს პირს, რომელმაც მოიპოვა გამარჯვება ტენდერში და ახორციელებს სამუშაოებს სახელმწიფო შესყიდვის შესახებ მოცემული ხელშეკრულების ფარგლებში;
- 2.5 „კვირა“, „დღე“, „თვე“ -ნიშნავს კალენდარულ კვირას, დღეს და თვეს.

მუხლი 3. ხელშეკრულების საგანი

- 3.1 წინამდებარე ხელშეკრულების თანახმად, მიმწოდებელი ვალდებულია განახორციელოს მცხეთის რაიონის, სოფელ წინამძღვრიანთკარში სსიპ-ილია წინამძღვრიშვილის სახელობის საზოგადოებრივი კოლეჯის ტერიტორიაზე საერთო საცხოვრებლის და საქვების შენობის ტერიტორიაზე მიბმის სამუშაოები და ხარჯთაღრიცხვის კორექტირება (CPV) კოდები: _____), წინამდებარე ხელშეკრულების მისი დანართების შესაბამისად.
- 3.2 მიმწოდებელი ვალდებულია სამუშაოები განახორციელოს საკუთარი მასალით, რისკით, ძალებით, ხელშეწყობითა და მექანიზმებით.

მუხლი 4. ხელშეკრულების ღირებულება

- 4.1 ხელშეკრულების საერთო ღირებულება შეადგენს _____(_____) ლარს, დღგ-ს გათვალისწინებით.
- 4.2 ამ მუხლის 4.1 პუნქტში მითითებული ხელშეკრულების ღირებულება საბოლოოა და არ ექვემდებარება შეცვლას. იმ შემთხვევაში, თუ შემცირდება შესასრულებელი სამუშაოების მოცულობა, პროპორციულად შემცირდება ხელშეკრულების საერთო ღირებულება.
- 4.3 ხელშეკრულების ღირებულება მოიცავს ხელშეკრულებით გათვალისწინებულ სამუშაოების განხორციელებასთან დაკავშირებულ მიმწოდებლის ყველა ხარჯს და საქართველოს კანონმდებლობით გათვალისწინებულ გადასახადებსა და გადასახდელებს.

მუხლი 5. ხელშეკრულებაში ცვლილებების შეტანა

- 5.1 ხელშეკრულებაში ცვლილებები ფორმდება მხოლოდ წეილობით, ხელშეკრულების დანართის სახით და დასტურდება ორივე მხარის ელექტრონული ხელმოწერით;
- 5.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ბათილია ნებისმიერი ზეპირი შეთანხმება ან მითითება, რომელიც ორივე მხარის მიერ წერილობით არ იქნება დადასტურებული;
- 5.3 წინამდებარე ხელშეკრულების პირობების ცვლილება დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა;
- 5.4 ამ მუხლის 5.3 პუნქტით გათვალისწინებული პირობების დადგომისას, დაუშვებელია თავდაპირველად დადებული ხელშეკრულების ჯამური ღირებულების გაზრდა 10%-ზე მეტი ოდენობით;

- 5.5 ხელშეკრულების ნებისმიერი ცვლილება ან/და დამატება უნდა გაფორმდეს წერილობით, მხარეთა შეთანხმებით, რომელიც წარმოადგენს ხელშეკრულების განუყოფელ ნაწილს;

მუხლი 6. ხელშეკრულების შესრულების კონტროლი

- 6.1 ხელშეკრულების შესრულების კონტროლი შეიძლება განხორციელდეს სამუშაო ჯგუფის ან/და ტექნიკური ზედამხედველის მიერ;
- 6.2 მიმწოდებლის მიერ გასაწევ ან უკვე გაწეულ სამუშაოებზე კონტროლი ხორციელდება პერიოდულად, შემსყიდველის შეხედულებისამებრ;
- 6.3 მიმწოდებელი უზრუნველყოს სსიპ-ილია წინამძღვიშვილის სახელობის საზოგადოებრივი კოლეჯის ტერიტორიაზე საერთო საცხოვრებლის და საქვების შენობის ტერიტორიაზე მიბმის სამუშაოების ინსპექტირების ჩატარებას აუცილებელი პერსონალით და ტექნიკური საშუალებებით;
- 6.4 მიმწოდებელი ვალდებულია საკუთარი ხარჯით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა;
- 6.5 შემსყიდველი მიმწოდებელთან ერთად აწარმოებს კონტროლს სამუშაოების მიმდინარეობაზე.

მუხლი 7. სამუშაოს შესრულების პირობები

- 7.1 შემსყიდველს უფლება აქვს წინამდებარე ხელშეკრულების შესრულების ნებისმიერ ეტაპზე განახორციელოს ხელშეკრულების შესრულების კონტროლი.
- 7.2 ხელშეკრულების შესრულების კონტროლს ახორციელებს შემსყიდველის შესაბამისი ბრძანებით შექმნილი ინსპექტირების ჯგუფი ან/და ტექნიკური ზედამხედველი.
- 7.3 ხელშეკრულების შესრულების კონტროლი ხორციელდება სისტემატიურად.
- 7.4 მიმწოდებელი ვალდებულია საკუთარი ხარჯით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

მუხლი 8. შესყიდვების ობიექტის მიღება-ჩაბარების წესი

- 8.1 შესყიდვის ობიექტი ჩაითვლება მიღებულად, მხოლოდ მიღება-ჩაბარების აქტის გაფორმების შემდეგ.
- 8.2 მიღება-ჩაბარების აქტს, მიმწოდებლის სახელით ხელს აწერს ხელშეკრულების ხელმომწერი ან მისი უფლებამონაცვლე პირი და პროექტის ხელმძღვანელი. შემსყიდველის მხრიდან - ხელშეკრულების ხელმომწერი პირი.
- 8.3 შესყიდვის ობიექტის მიღების ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი. ხარვეზის გამოვლენის შემთხვევაში, მიმწოდებელი ვალდებულია აღმოფხვრას ხარვეზები, რა პერიოდშიც იგი ყოველ ვადაგადაცვილებულ დღეზე იხდის პირგასამტეხლოს წინამდებარე ხელშეკრულების ჯამური ღირებულების 0.1 %-ის ოდენობით.

მუხლი 9. ანგარიშწორება

- 9.1 თუ შემსყიდველის მიერ ხელშეკრულებით განსაზღვრული შესასრულებელი სამუშაოების ღირებულება ნაკლებია ხელშეკრულების ღირებულებაზე, ასეთ შემთხვევაში არ წარმოიშობა ხელშეკრულების ღირებულების სრულად გადახდის ვალდებულება;
- 9.2 მიმწოდებელი ვალდებულია ანგარიშფაქტურაზე (არსებობის შემთხვევაში), მიუთითოს ხელშეკრულების ნომერი. წინააღმდეგ შემთხვევაში შემსყიდველს უფლება აქვს არ მოახდინოს მისი დადასტურება;
- 9.3 ხელშეკრულების ფარგლებში შეიძლება განხორციელდეს მხოლოდ ერთი სახის ანგარიშწორება- საბოლოო;

- 9.4 შესრულებულ სამუშაოზე საბოლოო ანგარიშწორება განხორციელდება სსიპ ლევან სამხარაულის სახელობის ექსპერტიზის ეროვნული ბიუროს ან/და სხვა აკრედიტირებული პირის მიერ გაცემული ფაქტიურად შესრულებული სამუშაოების მოცულობისა და ხარისხის დამადასტურებელი დოკუმენტის სახარჯთაღრიცხვო დოკუმენტაციასთან შესაბამისობის თაობაზე გაცემული დასკვნის და მიღება-ჩაბარების აქტის საფუძველზე.
- 9.5 შემსყიდველის მიერ საბოლოო ანგარიშწორება განხორციელდება, წინამდებარე ხელშეკრულებით გათვალისწინებული წესით, შესრულებული სამუშაოების შესახებ საბოლოო მირება-ჩაბარების აქტის გაფორმებიდან 10 (ათი) სამუშაო დღის განმავლობაში.

მუხლი 10. ხელშეკრულების პირობების შეუსრულებლობა, ხელშეკრულების შეწყვეტა

- 10.1 მხარეებმა ხელშეკრულებით გათვალისწინებული ვალდებულებები უნდა შეასრულონ ჯეროვნად, კეთილსინდისიერად, ხელშეკრულებით დათქმულ ვადებში და ადგილზე. მხარეები პასუხს აგებენ ხელშეკრულებით განსაზღვრული პირობების შეუსრულებლობის ან არაჯეროვანი შესრულებისთვის ამ ხელშეკრულებითა და საქართველოს კანონმდებლობით დადგენილი წესით.
- 10.2 ფორს-მაჟორული პირობების გარდა, მიმწოდებლის მიერ ხელშეკრულების პირობების შეუსრულებლობა ან/და დაგვიანებით შესრულების შემთხვევაში გამოიყენება საჯარიმო სანქციები, რომელთა ფორმა, ოდენობა, ამოქმედების პირობები და გადახდის ვადები განსაზღვრულია ამ ხელშეკრულებაში;
- 10.3 თუ მიწოდებელი არ ასრულებს ხელშეკრულებით ნაკისრ ვალდებულებებს, შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები;
- 10.4 წინამდებარე ხელშეკრულების დარღვევის შემთხვევაში მიმწოდებელს, ყოველ დღეზე დაეკისრება პირგასამტეხლოს გადახდა ხელშეკრულების ჯამური ღირებულების 0.1%-ის ოდენობით;
- 10.5 იმ შემთხვევაში, თუ მიმწოდებელი შესაბამისი გაფრთხილების მიღებიდან 10 კალენდარული დღის ვადაში ვერ უზრუნველყოფს ხარვეზების აღმოფხვრას, შემსყიდველი უფლებამოსილია შეწყვიტოს ხელშეკრულება და ხელშეკრულების ნაწილობრივ შესრულების გამო მიმწოდებელი დააჯარიმოს ხელშეკრულების საერთო ღირებულების 10% -ის ოდენობით;
- 10.6 ერთი მხარის მიერ ხელშეკრულების პირობების შეუსრულებლობის საფუძველზე მეორე მხარე უფლებამოსილია მიიღოს გადაწყვეტილება ხელშეკრულების ცალმხრივად შეწყვეტის შესახებ;
- 10.7 ხელშეკრულების მხარე, რომელიც მიიღებს ხელშეკრულების შეწყვეტის გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და თარიღი;
- 10.8 ხელშეკრულების ცალკეული პირობების მოქმედების შეწყვეტა ან/ და საჯარიმო სანქციების გადახდა არ ათავისუფლებს მხარეებს დანარჩენი ვალდებულებების შესრულებისგან;
- 10.9 შემსყიდველი უფლებამოსილია მიიღოს გადაწყვეტილება წინამდებარე ხელშეკრულების ცალმხრივად შეწყვეტის შესახებ, ასევე შემდეგ შემთხვევებში:
- ა) თუ შემსყიდველისთვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) თუ შემსყიდველისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
 - გ) საქართველოს კანონმდებლობით გათვალისწინებულ სხვა შემთხვევებში;
- 10.10 ამ მუხლის 10.9 პუნქტში მითითებული რომელიმე გარემოებით ხელშეკრულების შეწყვეტის შემთხვევაში შემსყიდველი ვალდებულია აუნაზღაუროს მიმწოდებელს ფაქტიურად შესრულებული სამუშაოს ღირებულება.

მუხლი 11. სადაო საკითხების გადაწყვეტა

- 11.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკების პროცესში შეთანხმებით მოაგვარონ ყველა ურთიერთობა და დავა, მათ შორის წარმოქმნილი დავა ხელშეკრულების ან ამსთან დაკავშირებული სხვა კომპონენტის ირგვლივ;

- 11.2 თუ ასეთი მოლაპარაკების დაწყებიდან 20 (ოცი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

მუხლი 12. გამოყენებული სამართალი და ხელშეკრულების ენა

- 12.1 ხელშეკრულება დაწერილ უნდა იქნეს ქართულ ენაზე. წინამდებარე ხელშეკრულებასთან დაკავშირებული წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა იყოს ქართულ ენაზე შესრულებული, ხოლო უცხო ენაზე შესრულებული დოკუმენტაციის შემთხვევაში, მხარემ ქართულ ენაზე უნდა წარმოადგინოს ნოტარიულად სათანადოდ დამოწმებული დოკუმენტი.

მუხლი 13. სხვა პირობები

- 13.1 არცერთ მხარეს არ აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 13.2 წინამდებარე ხელშეკრულება შედგენილია ქართულ ენაზე, 2 (ორ) ეგზემპლიარად (ელექტრონულად), რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან.

მუხლი 14. მხარეთა რეკვიზიტები

შემსყიდველი:

სსიპ. „ილია წინამძღვრიშვილის სახელობის

საზოგადოებრივი კოლეჯი“

მის: მცხეთა მთიანეთის რეგიონი, ს. წინამძღვრიანთკარი

საიდენტიფიკაციო კოდი: 236098851

ელ. ფოსტა: tmkcommunitycollege@tmk.edu.ge

მობ: 577 21 50 90

დირექტორი

მიმწოდებელი:

ს/კ: _____

მის: _____

ელ.ფოსტა: _____

ბანკის: _____

ბანკის კოდი: _____

ა/ნ: _____

